



Broj: 13-11-4-6680/23

Sarajevo, 2.11.2023. godine

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka) i člana 200. Zakona o upravnom postupku ("Službene novine Federacije BiH", br. 2/98, 48/99 i 61/22), a na prijedlog Komisije za javne nabavke roba, radova i usluga, Općinski načelnik donosi

ODLUKU o izboru najpovoljnijeg ponuđača

I

Za najpovoljnijeg ponuđača za javnu nabavku usluga „Studija isplativosti sa idejnim projektima za ugradnju FNE u objektima u vlasništvu Općine“, po provedenom otvorenom postupku javne nabavke izabran je slijedeći ponuđač:

NLOGIC d.o.o. Sarajevo
sa ukupnom cijenom od 4.083,30 KM (slovima: četirihiljadeosamdesettri i 30/100 konvertibilnih maraka)
sa uračunatim PDV-om

II

Za izvršenje ove Odluke zadužuje se Služba za investicije i zaštitu okoliša.

III

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

IV

Odluka o izboru najpovoljnijeg ponuđača objavit će se na web stranici www.novosarajevo.ba, istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

O b r a z l o ž e n j e

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-6680/23 od 12.09.2023. godine .

Procijenjena vrijednost javne nabavke sa PDV-om je: 10.000,00 KM (slovima: deset hiljada i 00/100 konvertibilnih maraka).

Obavještenje o javnoj nabavci broj: 935-1-2-195-3-243/23 od 25.09.2023. godine u 13:20 sati poslano je na objavu na Portal javnih nabavki.

Komisija za javne nabavke roba, radova i usluga je imenovana Odlukom Općinskog načelnika o pokretanju postupka javne nabavke broj: 13-11-4-6680/23 od 12.09.2023. godine .

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 16.10.2023. godine, pristigle ponude slijedećih ponuđača:

Red. broj	Naziv i sjedište ponuđača	Ukupna ponudena cijena sa PDV-om
1.	Institut za građevinarstvo „IG“ d.o.o. Banja Luka	9.999,99 KM
2.	NLOGIC d.o.o. Sarajevo	9.945,00 KM
3.	Grupa ponuđača - ENOVA d.o.o. Sarajevo (predstavnik grupe ponuđača), CETEOR d.o.o. Sarajevo, PLUS MINUS d.o.o. Sarajevo	9.968,40 KM

Iz Zapisnika o pregledu i ocjeni ponuda Komisije za javne nabavke roba, radova i usluga je vidljivo da se Komisija sastala dana 16.10.2023. godine, radi pregleda i ocjene prispjelih ponuda, te je konstatovala slijedeće:

Ponude ponuđača NLOGIC d.o.o. Sarajevo i grupe ponuđača - ENOVA d.o.o. Sarajevo (predstavnik grupe ponuđača), CETEOR d.o.o. Sarajevo, PLUS MINUS d.o.o. Sarajevo su prihvatljive jer ispunjavaju kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Ponudu ponuđača Institut za građevinarstvo „IG“ d.o.o. Banja Luka Komisija je ocijenila kao neprihvatljivu iz sljedećeg razloga:

Tenderskom dokumentacijom u pogledu tehničke i profesionalne sposobnosti traženo je da ponuđač u stalnom radnom odnosu sa punim radnim vremenom (ili će biti angažovani za potrebe realizacije ugovora) ima najmanje 1 (jednog) diplomiranog inženjera elektrotehničke struke iz područja elektroenergetike sa najmanje 5 (pet) godina radnog iskustva u struci i položenim stručnim ispitom glavnog odgovornog projektanta iz oblasti elektrotehnike, smjer elektroenergetika i najmanje 1 (jednog) diplomiranog inženjera građevinske ili arhitektonske struke projektantski smjer sa najmanje 5 (pet) godina radnog iskustva u struci i položenim stručnim ispitom u oblasti građevine ili arhitekture.

Ponuđač je cilju dokazivanja tehničke i profesionalne sposobnosti za traženog 1 (jednog) diplomiranog inženjera građevinske ili arhitektonske struke projektantski smjer sa najmanje 5 (pet) godina radnog iskustva u struci i položenim stručnim ispitom u oblasti građevine ili arhitekture, a kojeg je naveo u Izjavi (Dokument 5), dostavio Uvjerenje o položenom stručnom ispitu iz građevinske struke, smjera građevinarstvo, područja organizacija građenja i nadzor građenja.

Tačkom 7.4.1 b) tenderske dokumentacije zahtijevano je da stručno lice mora biti diplomirani inženjer građevinske ili arhitektonske struke projektantski smjer. Ponuđač dostavio dokaz iz kojeg je vidljivo da navedeno stručno lice nije položilo stručni ispit projektantskog smjera kako je zahtijevano tenderskom dokumentacijom.

Iz naprijed navedenih razloga, ponuda ponuđača Institut za građevinarstvo „IG“ d.o.o. Banja Luka se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponudena cijena sa PDV-om
1.	NLOGIC d.o.o. Sarajevo	9.945,00 KM
2.	Grupa ponuđača - ENOVA d.o.o. Sarajevo (predstavnik grupe ponuđača), CETEOR d.o.o. Sarajevo, PLUS MINUS d.o.o. Sarajevo	9.968,40 KM

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Ponude ponuđača NLOGIC d.o.o. Sarajevo i grupa ponuđače - ENOVA d.o.o. Sarajevo (predstavnik grupe ponuđača), CETEOR d.o.o. Sarajevo, PLUS MINUS d.o.o. Sarajevo su unesene u sistem e-nabavki i zakazana je e-aukcija, koja je održana dana 20.10.2023. godine s početkom u 10:00 sati, i koja je trajala 62 (šezdesetdvije) minute.

Ugovorni organ je od Agencije za javne nabavke zaprimio Izvještaj o toku i završetku e-aukcije i shodno kojoj je ponuđač NLOGIC d.o.o. Sarajevo ponudio najnižu cijenu koja iznosi 3.490,00 KM (slovima: trihiljadečetiristinedevadeset i 00/100 konvertibilnih maraka) bez PDV-a

Rangiranje prihvatljivih ponuda prema kriteriju za izbor ponude, nakon provedene e-aukcije je kako slijedi:

Red. broj	Naziv i sjedište ponuđača	Ukupna ponudena cijena bez PDV-a	Ukupna ponudena cijena sa PDV-om	Procentualno umanjeње cijene nakon provedene e-aukcije
1.	NLOGIC d.o.o. Sarajevo	3.490,00 KM	4.083,30 KM	58,94 %
2.	Grupa ponuđača - ENOVA d.o.o. Sarajevo (predstavnik grupe ponuđača), CETEOR d.o.o. Sarajevo, PLUS MINUS d.o.o. Sarajevo	3.500,00 KM	4.095,00 KM	58,92 %

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu najniže cijena, u ukupnom iznosu ponude od 4.083,30 KM (slovima: četirihiljadeosamdesettri i 30/100 konvertibilnih maraka) sa uračunatim PDV-om, te da se ponuđaču NLOGIC d.o.o. Sarajevo dodijeli Ugovor.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje prijedloga Komisija za javne nabavke roba, radova i usluga. Naime, u postupku je ocijenjeno da je Komisija u svemu pravilno postupila, te da je Odluka donesena u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK

Dr. Hasan Tanović

DOSTAVITI:

1. NLOGIC d.o.o. Sarajevo
2. ENOVA d.o.o. Sarajevo (predstavnik grupe ponuđača)
3. Institut za građevinarstvo „IG“ d.o.o. Banja Luka
4. a/a

Općina Novo Sarajevo, ulica Zmaja od Bosne br. 55, Sarajevo, telefon (387 33) 492 100
Služba za zajedničke poslove

tel: (387 33) 492 112, fax: (387 33) 492 145, email: zajednicki_poslovi@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000
Depozitni račun 1411965320011288 Bosna Bank International d.d.

